

THEM NYIAJ ROV QAB ESTATE RECOVERY REPAYING THE STATE FOR MEDICAL AND LONG TERM CARE

Yog vim li cas kuv thiaj tau txais tsab ntawv no?
Koj tau txais tsab ntawv no rau qhov txaocai hu ua "them nyiaj rov qab" ("estate recovery") muaj feem raug rau koj lossis koj raug kho mob tas sim neej nyob rau ib lub tsev kho mob thiab yuav raug them nqi kev kho mob rov qab.

Txaocai them nyiaj rov qab yog li cas?
Txaocai no tso cai rau lub xeev tsib tej yam nqi uas Medicaid tau pab lossis tej yam kev pab los ntawm lub xeev uas yog muab *koj tej qub txeeg qub teg* them tom qab koj tas sim neej lawm. DSHS yuav ua tsab ntawv cog lus muab khoom vajtsev ntaus ua nqi (lien) lossis yuav (claim against) tej yam qub txeeg qub teg uas yog koj muaj.

Qub txeeg qub teg yog dabtsi?
Qub txeeg qub teg yog tej yam khoom (assets) uas yog koj tug lossis koj muaj feem txuam rau tej yam khoom raws kev cai thaum lub sijhawm koj tau tas sim neej, xws li bank account, tsev, av, stocks thiab bonds. Nws tsis txuam nrog tej khoom uas koj niam koj txiv, koj tus pojniam lossis txiv, lossis tus menuam tug. Tej khoom uas txuam rau cov qhab tej zaum yuav tsis raug txeeb rov qab.

Tej kev pab twg uas kuv muaj yuav raug rau txaocai them nyiaj rov qab?

Them nyiaj rov qab yog txhua yam kev pab kho mob thiab kev pab kho mob-ntev (long-term services) uas koj tau txais thaum muaj 55 xyoos rov saud. Tej no xam kev mus ntsib kws kho mob, mus pw tsev kho mob, yuav tshuaj, kev pab nyob tsev laus, kev pab tom-tsev, kev pab rau cov laus nruab hnub (adult day health program) thiab lwm yam kev pab.

Pib lub Rauhli 1, 2004, them nyiaj rov qab yog **raug rau txhua tus uas tau txais kev pab ntev los ntawm lub xeev (state-funded) tsis hais muaj pes tsawg xyoo thiab txhua yam kev pab kho mob thaum tseem nyob rau lub sijhawm tau txais kev pab kho mob ntev.**

Yuav ua li cas yog kuv nyob rau ib lub chaw kho mob ne?

Yog koj nyob rau ib lub chaw kho mob thiab yuav tsis muaj feem rov tau los tsev lawm, txaocai tso cai rau lub xeev ua tsab ntawv cog lus muab khoom vajtsev ntaus ua nqi. Lub xeev yuav tau txais nyiaj los them koj tej nqi koj mob thiab kev pab-ntev uas yog los ntawm koj tej khoom lossis thaum muag tau koj tej khoom. Lub xeev yuav tsis ua tsab ntawv cog lus muab khoom vajtsev ntaus ua nqi yog tseem tshuav koj tus pojniam lossis txiv, koj cov menuam, tus tsis pom kev, lossis tus xiam oob qhab tseem nyob rau ntawd.

Tej zaum lwm yam kev txwv txog txeeb khoom rov qab kuj yuav muaj. Yog koj rov los tsev lawm, tsab ntawv cog lus muab khoom vajtsev ntaus ua nqi yuav tsis suav lawm.

Ua li yog kuv muaj pojniam lossis txiv lossis menuam ne?

Lub xeev yuav pib tsis tau qhov kev them nyiaj rov qab yog tseem muaj pojniam lossis txiv, lossis koj cov menuam muaj hnub nyooq 21 xyoos rov hauv, muaj tus tsis pom kev lossis xiam oob qhab tseem nyob ntawd. Tej zaum lub xeev yuav ua tsab ntawv cog lus muab khoom vajtsev ntaus ua nqi, tabsis yog thaum tus pojniam lossis txiv uas tseem nyob yuav muag qhov khoom ces cov ntaub ntawv no yuav raug tshem.

Puas muaj lwm txaocai hau kev uas lub xeev yuav tsis yuam txaocai no?

Lub xeev muaj feem ncua qhov them nyiaj rov qab uas yog los ntawm koj tej qub txeeg qub teg yog hais tias yuav ua rau tus neeg uas yuav los txais koj tej tsev, nyiaj, lossis khoom muaj kev nyuaj siab ntxhov plaws. Tabsis, lub xeev yuav ua tsab ntawv cog lus muab khoom vajtsev ntaus ua nqi. Qhov kev nyuaj ntawd yuav tsum yog muaj raws li kabke.

Puas muaj cai thov dua kom txhob them nyiaj rov qab?

Muaj. Koj cov xeeb ntxwv muaj feem thov dua. DSHS yuav sau ntawv qhia thiab teem sij hawm kom muaj rooj sab laj sib hais (hearing).

Kuv yuav nrhiav kev paub ntxiv li cas?

Muaj ntaub ntawv qhia nyob rau Columbia Legal Services. Hu rau Coordinated Legal Education, Advice and Referral Line (CLEAR) tus xovtooj dawb ntawm 1-888-201-1014 lossis nrog cov kws hais plaub uas paub txog kev npaj qub txeeb qub teg thiab txaocai kev pab kho mob tham. Lawv kuj muaj ntawv qhia txog *Them Nyiaj Rov Qab rau Kev Pab Kho Mob uas yog lub Xeev them uas koj nyem tau nyob online ntawm www.washingtonlawhelp.org (nias Elder/Aging Law thiab "Long term care assistance")*

Statutory Authority
RCW 43.20b and 388-527 WAC